

黃帝陰符經解序

閏六

夫人生天地之間稟形者父母受炁者陰陽載萬物者身也然身與道應於物幽契乎人心者唯陰符而已昔庖犧氏沒神農氏出黃帝作者契使倉頡觀鳥獸之形與天地之儀運用萬物之象制為文字鬼神注其大道聖於是乎道一變至於事事一變至於機而機之用也上有道德治國之行中有全身保命之術次有霸業安邦之理備而无遺當是時也黃帝始祖道家者流欲廣真風待元女三百餘言復繫以一百餘字總萬化之機權統群靈之妙用藏微隱妙該天括地其經簡其義深理歸於自得者也竊嘗考諸家註解理各異端義執偏見徒知陰符為黃帝之法言非元女之所授然觀內傳所載云黃帝得元女授陰符經義能內合天機外契人事則三百言實元女之所授而百言乃黃帝之演釋者也故辭要而旨速義深而理淵觀其爰有奇器是生萬象八卦甲子神機鬼藏陰陽相勝之術昭昭然進乎象矣知此則陰符之義

盡矣後世不可以加諸昔者孔子之講易而繫其辭則易之道无餘蘊誠書不盡言言不盡意復何言哉臣所以輒刪諸家舊解創為新註所願證用貴无錯焉且黃老設教道貴集虛高言亦論離世異俗不誘塵俗之耳目唯露聖賢之腹心玩志者得其衆妙博物者造其至微制自三皇道敷萬代益聖主之謀寶賢臣之用上至秦漢下及隋唐將相名臣高真之士變往者不勝其數矣今陰符之用妙在天機苟進乎心豈云小補窳昌辰謹序

陰符經事蹟

昔西王母降於王屋山授帝兵法用戰黃尤於涿鹿之野以剪滅妖孽除天下害然後治邦國立社稷分土地封諸侯五行定巨盜除王母再遣元女授帝秘訣一十九章陰符三百餘言至於金丹玉篆之文寶符飛空之術入火履水之法无不備焉黃帝乃建迎仙之宮修登真之要出靈章秘書以廣道教施之則六合之内无不濟也自洞庭跨火龍上昇群臣拜劍履於巴山具史明矣傳示此經使

後世體而行之故仁者見之謂之仁智者見之謂之智悟之者大抵在手序道法術以顯仁藏用覽之者理歸自得者也